

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-21590-1/14.  
Zenica, 06.11.2014. godine

**Z A P I S N I K**

**sa 190. sjednice Vlade Zeničko-dobojskog kantona održane 06.11.2014. godine**

Sjednica je održana u sali 109, prvi sprat u zgradi Kantona, dana 06.11.2014. godine u trajanju od 10<sup>15</sup> do 11<sup>27</sup> sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Ivica Ćurić, ministar Ministarstva za rad, socijalnu politiku i izbjeglice,
3. Nedžad Lokmić, ministar Ministarstva za boračka pitanja,
4. Rifat Delić, ministar Ministarstva unutrašnjih poslova,
5. Mirko Trifunović, ministar Ministarstva za obrazovanje, nauku, kulturu i sport, opravdano je odsutan, a umjesto njega sjednici prisustvuje Maid Pračić, sekretar MInistarstva,
6. Muhamed Husić, ministar Ministarstva za privredu,
7. Senka Balorda, ministrica Ministarstva zdravstva, opravdano je odsutna,
8. Sabina Heljić, ministrica Ministarstva finansija, opravdano je odsutna,
9. Edin Terzić, ministar Ministarstva za prostorno uređenje, promet i komunikacije i zaštitu okoline,

kao i:

1. Haris Hrgić, pomoćnik sekretara Vlade,
2. Mirsad Kadić, sekretar Sekretarijata za zakonodavstvo,
3. Ivica Mandura, savjetnik Premijera,
4. Džemaludin Ramić, savjetnik Premijera,
5. Azra Smailbegović-Đ., zapisničar.

U svojstvu izvjestioca sjednici je prisustvovao Ratko Orlandić, direktor Službe za zapošljavanje.

Premijer je stavio na diskusiju predloženi

**D N E V N I R E D :**

1. Verifikacija Zapisnika sa 188. sjednice Vlade Zeničko-dobojskog kantona, održane dana 23.10.2014. godine;
2. Prijedlog Odluke o davanju saglasnosti na izmjene Finansijskog plana Službe za zapošljavanje za 2014. godinu, sa Prijedlogom Zaključka o utvrđivanju;

**Izvjestilac za tačku 2:** Ratko Orlandić, direktor

3. Prijedlog Zaključka o usvajanju Uputstva o postupcima i kriterijima za odobravanje i dodjelu finansijskih sredstava iz Federalnog fonda namijenjenih saniranju dijela direktnih šteta od poplava;  
**Izvjestilac:** Muhamed Husić, ministar
4. Prijedlog Rješenja o razrješenju i konačnom imenovanju člana Školskog odbora Srednje tehničke škole „Kemal Kapetanović“ Kakanj;  
**Izvjestilac:** Mirko Trifunović, ministar
5. Prijedlog Zaključka o odobravanju sredstava uzgajivačima sa područja Zeničko-dobojskog kantona na ime premije za uzgojenu steonu junicu za 2014. godinu;  
**Izvjestilac:** Bojan Bošnjak, ministar
6. Prijedlog Zaključka o izmjeni Zaključka o provođenju memoranduma sa UNDP;  
**Izvjestilac:** Munib Husejnagić, premijer
7. Upoznavanje članova Vlade sa aktima:
  - Informacija o nabavci opreme Službe za zajedničke poslove, broj: 14-14-50/14 od 27.10.2014. godine

Predložene su slijedeće dopunske tačke:

1. Zaključak o odobravanju sredstava za nabavku vakcine protiv gripe 2014  
**Izvjestilac:** Senka Balorda, ministrica
2. Odluka o dodjeli koncesije Kamenolom Crkvice preduzeću KOMGRAD ZE  
**Izvjestilac:** Muhamed Husić, ministar
3. Zaključak o izmjeni Zaključka o usvajanju Programa vodnih naknada za 2014  
**Izvjestilac:** Bojan Bošnjak, ministar

Članovi Vlade su se složili sa predloženom izmjenom i dopunama te je za sjednicu jednoglasno usvojen slijedeći

#### **D N E V N I   R E D :**

1. Verifikacija Zapisnika sa 188. sjednice Vlade Zeničko-dobojskog kantona, održane dana 23.10.2014. godine;
2. Prijedlog Odluke o davanju saglasnosti na izmjene Finansijskog plana Službe za zapošljavanje za 2014. godinu, sa Prijedlogom Zaključka o utvrđivanju;  
**Izvjestilac za tačku 2:** Ratko Orlandić, direktor
3. Prijedlog Zaključka o usvajanju Uputstva o postupcima i kriterijima za odobravanje i dodjelu finansijskih sredstava iz Federalnog fonda namijenjenih saniranju dijela direktnih šteta od poplava;  
**Izvjestilac:** Muhamed Husić, ministar
4. Prijedlog Rješenja o razrješenju i konačnom imenovanju člana Školskog odbora Srednje tehničke škole „Kemal Kapetanović“ Kakanj;  
**Izvjestilac:** Mirko Trifunović, ministar
5. Prijedlog Zaključka o odobravanju sredstava uzgajivačima sa područja Zeničko-dobojskog kantona na ime premije za uzgojenu steonu junicu za 2014. godinu;  
**Izvjestilac:** Bojan Bošnjak, ministar
6. Prijedlog Zaključka o izmjeni Zaključka o provođenju memoranduma sa UNDP;  
**Izvjestilac:** Munib Husejnagić, premijer

7. Zaključak o odobravanju sredstava za nabavku vakcine protiv gripe 2014

**Izvjestilac:** Senka Balorda, ministrica

8. Odluka o dodjeli koncesije Kamenolom Crkvice preduzeću KOMGRAD ZE

**Izvjestilac:** Muhamed Husić, ministar

9. Zaključak o izmjeni Zaključka o usvajanju Programa vodnih naknada za 2014

**Izvjestilac:** Bojan Bošnjak, ministar

10. Upoznavanje članova Vlade sa aktima:

- Informacija o nabavci opreme Službe za zajedničke poslove, broj: 14-14-50/14 od 27.10.2014. godine.

### **Prva tačka dnevnog reda**

Vlada je jednoglasno verificirala zapisnik sa 188. sjednice Vlade Zeničko-dobojskog kantona, održane dana 23.10.2014. godine.

### **Druga tačka dnevnog reda**

Obrazloženje za ovu tačku dnevnog reda dao je Ratko Orlandić, direktor Službe za zapošljavanje ZDK.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice, Ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se utvrđuje Prijedlog Odluke o davanju saglasnosti na Izmjene Finansijskog plana JU Služba za zapošljavanje Zeničko-dobojskog kantona za 2014. godinu.

Prijedlog Odluke iz tačke I. ovog zaključka upućuje se u dalju skupštinsku proceduru.

Zaključak stupa na snagu danom donošenja.

### **Treća tačka dnevnog reda**

Obrazloženje za ovu tačku dnevnog reda dao je Ministar Ministarstva za privredu.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se usvaja Uputstvo o postupcima i kriterijima za odobravanje i dodjelu finansijskih sredstava iz Federalnog fonda namijenjenih saniranju dijela direktnih šteta od poplava shodno Zaključku Vlade Zeničko-dobojskog kantona (broj: 02-14-21041/14 od 23.10.2014. godine).

Za realizaciju Javnog poziva shodno Uputstvu iz tačke I. zadužuje se Ministarstvo za privredu.

Stupanjem na snagu ovog Zaključka, stavlja se van snage Zaključak o usvajanju Uputstva o postupcima i kriterijima za odobravanje i dodjelu finansijskih sredstava iz Federalnog fonda namijenjenih saniranju dijela direktnih šteta od poplava kod privrednih subjekata (broj: 02-02-18517/14 od 18.09.2014. godine).

Zaključak stupa na snagu danom donošenja.

#### **Četvrta tačka dnevnog reda**

Obrazloženje za ovu tačku dnevnog reda dao je Sekretar Ministarstva za obrazovanje, nauku, kulturu i sport.

Vlada je jednoglasno donijela Rješenje o razrješenju i konačnom imenovanju novog člana Školskog odbora iz reda Vijeća roditelja Srednje tehničke škole „Kemal Kapetanović“, Kakanj

Razrješava se članstva u Školskom odboru Srednje tehničke škole „Kemal Kapetanović“ Kakanj:

1. Trako Alma - član, iz reda roditelja.

Imenuje se član Školskog odbora Srednje tehničke škole „Kemal Kapetanović“, Kakanj:

2. Smaka Meliha - član, iz reda roditelja.

Član Školskog odbora iz tačke II. ovog rješenja imenuju se do isteka mandata Školskog odbora Srednje tehničke škole „Kemal Kapetanović“, Kakanj.

Rješenje stupa na snagu danom donošenja, a bit će objavljeno u „Službenim novinama Zeničko-dobojskog kantona“.

#### **Peta tačka dnevnog reda**

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, Ministar Ministarstva unutrašnjih poslova.

Vlada je jednoglasno donijela Zaključak kojim se odobrava isplata iznosa od 106.400,00 KM (slovima: stotinušestiljadačetiristotine konvertibilnih maraka) uzgajivačima sa područja Zeničko-dobojskog kantona, na ime premije za uzgojenu steonu junicu, dio neisplaćenih sredstava iz 2012. godine.

Odobrena sredstva iz tačke I ovog zaključka isplatiti će se iz Budžeta Zeničko-dobojskog kantona za 2014. godinu sa razdjela 23, budžetska organizacija 01, potrošačka jedinica 0001, ekonomski kod 614400, subanalitika NAD 402, pozicija "Subvencije za podsticaj razvoja u poljoprivrednoj proizvodnji".

Sredstva iz tačke I ovog Zaključka biti će isplaćena na žiro račune korisnika prema priloženom spisku sačinjenom na osnovu provjere ispunjenosti kriterija za dodjelu premija, koju je izvršila Uzgojno-seleksijska služba Ministarstva za poljoprivredu, šumarstvo i vodoprivredu.

Spisak uzgajivača od rednog broja 1. do 318. kojima je odobren iznos premije, sastavni je dio ovoga zaključka.

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog Kantona.

#### **Šesta tačka dnevnog reda**

Uvodne napomene za ovu tačku dnevnog reda dao je Premijer Zeničko-dobojskog kantona, a dodatno pojašnjenje dao je Pomoćnik Sekretara Vlade.

U diskusiji su učestvovali: Premijer Zeničko-dobojskog kantona, Ministar Ministarstva za prostorno uređenje, promet i komunikacije i zaštitu okoline, Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak o izmjeni Zaključka broj: broj:02-28-10326/14 od 14.05.2014. godine

U Zaključku kojim se daje saglasnosti za potpis Memoranduma o razumjevanju i pisma sporazuma o sufinansiranju konkretnih aktivnosti povezanih sa podrškom procesu revizije Strategije razvoja Zeničko-dobojskog kantona za period 2016.-2020. godine, broj: 02-28-10326/14 od 14.05.2014. godine, tačka II mijenja se i glasi:

„Sredstva za provođenje Memoranduma o razumjevanju i pisma sporazuma u iznosu od 10.612,00 KM (slovima: desethiljadašeststotinaidvanaest konvertibilnih maraka) isplatit će se iz Budžeta Zeničko-dobojskog kantona za 2014. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 613900, pozicija „Ostale ugovorene usluge“, konto 613991 Ostale nespomenute usluge i dadžbine.

Sredstva uplatiti na račun Razvojni program Ujedinjenih nacija – UNDP iz Sarajeva broj: 161 000 000 000 0011- 502021000-03000651, otvorenog kod Raiffeisen bank dd, Filijala Sarajevo.”

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Zaključak stupa na snagu danom donošenja.

### **Sedma tačka dnevnog reda**

Vlada je jednoglasno donijela Zaključak kojim se odobravaju sredstva u visini od 18.875,00 KM (slovima: osamnaesthiljadaosamstotinasedamdesetpet konvertibilnih maraka) za nabavku vakcina protiv gripe.

Sredstva iz tačke I ovog Zaključka isplatit će se iz sredstava Budžeta Zeničko dobojskog kantona za 2014. godinu, razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614300, subanalitika LAX 0001 – Tekući transfer za nabavku vakcina.

Nabavku vakcina će izvršiti Kantonalni zavod za javno zdravstvo Zenica.

Za realizaciju ovog Zaključka zadužuju se Kantonalni Zavod za javno zdravstvo, Ministarstvo zdravstva i Ministarstvo finansija Zeničko dobojskog kantona.

Zaključak stupa na snagu danom donošenja.

### **Osma tačka dnevnog reda**

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, Ministar Ministarstva za boračka pitanja, Pomoćnik Sekretara Vlade.

Vlada je jednoglasno donijela Zaključak kojim se načelno usvajaju izmjene Liste projekata koja je sastavni dio Odluke o načinu raspodjele sredstava vodnih naknada u oblasti vodoprivrede po općinama u 2014. godini, broj: 02-25-9446/14 od 30.04.2014. godine, predložene od strane Ministarstva za poljoprivredu, šumarstvo i vodoprivredu.

Zadužuje se Ministarstvo za poljoprivredu, šumarstvo i vodoprivredu da sačini izmjene iz tačke I. ovog zaključka u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08) i iznesenom diskusijom na sjednici Vlade.

### **Deveta tačka dnevnog reda**

Obrazloženje za ovu tačku dnevnog reda dao je Ministar Ministarstva za privredu.

Diskutovao je Premijer Zeničko-dobojskog kantona.

Vlada je jednoglasno donijela Odluku o dodjeli koncesije za istraživanje i eksploataciju mineralnog resursa-krečnjaka na ležištu „Crkvice Kamenolom“ kod Zenice, K.O. Crkvice, u općini Zenica

#### Član 1.

##### (Predmet)

Privrednom društvu KOMGRAD-ZE d.o.o. Zenica (u daljem tekstu Koncesionar) dodjeljuje se koncesija za istraživanje i eksploataciju mineralnog resursa- krečnjaka na ležištu „Crkvice Kamenolom“ općina Zenica.

#### Član 2.

##### (Lokacija)

(1) Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

|         |                 |                 |
|---------|-----------------|-----------------|
| Tačka 1 | Y= 6 495 454,06 | X= 4 896 720,26 |
| Tačka 2 | Y= 6 495 408,85 | X= 4 896 847,46 |
| Tačka 3 | Y= 6 495 279,58 | X= 4 896 785,47 |
| Tačka 4 | Y= 6 495 310,86 | X= 4 896 725,40 |
| Tačka 5 | Y= 6 495 292,70 | X= 4 896 625,22 |
| Tačka 1 | Y= 6 495 454,06 | X= 4 896 720,26 |

(2) Predmetni lokalitet se nalazi na k.č.1337 i pripada k.o. Crkvice, općina Zenica, i društveno je vlasništvo, (pripada ŠPD d.o.o. Zavidovići). Ukupna površina trenutno interesantnog ležišta za istraživanje i eksploataciju na lokalitetu „Crkvice-Kamenolom“ je 2 ha, 06 ari i 26 m<sup>2</sup>.

#### Član 3.

##### (Ugovor)

Zadužuje se Ministarstvo za privredu da u skladu sa ovom Odlukom i odredbama Zakona o koncesijama potpiše Ugovor o dodjeli koncesije za istraživanje i eksploataciju mineralnog resursa-krečnjaka na ležištu „Crkvice Kamenolom“, u općini Zenica u roku od 60 dana od dana stupanja na snagu ove odluke.

#### Član 4.

##### (Elementi Ugovora)

(1) Osnovni elementi Koncesionog ugovora su:

- Vrijeme koncesije za istraživanje i eksploataciju je 20. godina (slovima: dvadeset godina). Vremena se računaju od dana potpisivanja Koncesionog ugovora.
- Visina kontinuirane koncesione naknade je 0,82 KM/m<sup>3</sup> čvrste mase (slovima: nulazarezosamdesetdviije konvertibilne marka po metru kubnom čvrste mase);
- Visina jednokratne koncesione naknade je 1,01 KM/m<sup>2</sup> istražno-eksploatacionog prostora (slovima: jednazareznulajedna konvertibilna marka po metru kvadratnom prostora);
- Minimalna godišnja količina eksploitsanog mineralnog resursa- krečnjaka na koji je Koncesionar dužan plaćati kontinuiranu koncesionu naknadu je 41.000 m<sup>3</sup>/godišnje (slovima: četrdesetjednahiljada metara kubnih čvrste mase po godini).

(2) Koncesionar je dužan:

- Platiti iznos od 26.286,26 KM kao jednokratnu koncesionu naknadu;
- Dostaviti ovjerenu mjenicu sa mjeničnom izjavom na iznos od 67.240,00 KM;

#### Član 5.

##### (Istraživanje i eksploatacija)

Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

#### Član 6.

##### (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

#### **10. tačka dnevnog reda**

Dostavom materijala pod ovom tačkom dnevnog reda, članovi Vlade su se upoznali sa istim.

U diskusiji su učestvovali: Premijer Zeničko-dobojskog kantona, Ministar Ministarstva unutrašnjih poslova, Ministar Ministarstva za rad, socijalnu politiku i izbjeglice.

Premijer je zaključio sjednicu u 11<sup>27</sup> sati.

**SEKRETAR VLADE**

*Berjana Ačkar*

**PREMIJER**

*Munib Husejnagić, dipl.ing.maš.*

**ZAPISNIČAR**

*Azra Smailbegović-Đ.*